

# 北洋官報

目錄

宮門抄  
上諭

奏議○禮部奏為壽聖節應否行禮摺○憲政編查館奏覆核府廳州縣自送迎舉各章程摺

摺片十則

奏議○督憲札一件△諮議局呈一件△高邑縣稟一件

奏議○憲政編查館奏定自治章程

奏議○憲政編查館奏定自治章程

奏議○憲政編查館奏定自治章程

本 日 增 刊 己 酉 官 報 目 錄 一 頁

## 宮門抄

正月初九日京電本日 召見軍機

## 上諭

正月初九日京電本日閣抄奉

上諭張人駿等奏江甯等屬秋禾被災請將新舊錢糧分別蠲緩一摺江蘇江甯等屬上年入夏以來連遭霪雨湖河泛漲田禾多被淹浸若將應徵新舊錢糧照常徵收民力實有未逮加恩著照所請所有海州贛榆二州縣及上元等二十六州縣應節年未完原緩遞緩各款均著分別展緩帶徵以紓民力該督撫即照所奏詳細開明區圖村莊頃畝數目刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道欽此

上諭張人駿等奏蘇州等屬秋禾歉薄請將應徵錢漕分別蠲減緩徵一摺江蘇蘇州等屬上年入夏以來霪雨連綿山水下注田禾半被淹沒秋後又復亢晴收成均形歉薄若將應徵錢漕照常徵收民力實有未逮加恩著照所請所有長洲等二十八州廳縣拋荒塌廢等田銀米吳江等六縣被災無收田銀米震澤等二縣被災無收及未種各田銀米同新陽縣蘆田條銀溧陽等縣被淹被旱無收漕屯各田銀米崑山等二縣散荒蘆田條銀丹陽等二縣被災無收蘆田銀米同蘆田課銀陽湖等縣被淹災田下忙條銀及漕

米暨溧陽上忙條銀一律全行蠲免溧陽等縣歉收田條銀漕米各等項均著分別減免以紓民力餘著照所議辦理該督等即照所奏詳細開明區圖村庄頃畝及應行蠲免細數刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

### 奏議錄要

禮部奏

皇太后萬壽聖節應否照案行禮摺

奏為請 旨事恭查定例

皇太后萬壽聖節臣部將應行禮節前期具題恭候

命下行知在京各衙

門一體遵照等語又查同治元年

皇太后萬壽聖節臣部前期具題禮節奉

諭旨著停止升慈寧門

寶座毋庸設立儀仗內庭宮眷及福晉命婦均著停止行禮等因欽此又奉

上諭

皇太后萬壽朕於

養心殿行禮王公大臣二品以上各員俱照道光元年二年成案在慈寧門外行禮三品以下各員俱在午門外行

禮欽此又經臣部片奏樂懸應否停止陳設奉

旨樂懸著停止陳設欽此又光緒三十四年臣部會同軍機

大臣奏准恭遇

皇太后萬壽聖節

皇上行禮時御龍袍袞服前三日後三日常服掛朝珠王公百官正

日蟒袍補褂前三日後三日常服掛朝珠等因各在案恭照宣統二年正月初十日

隆裕皇太后萬壽聖節

應否照同治元二年成案是日早大學士恭捧

皇上慶賀

隆裕皇太后表文由 乾清門恭進屆時

皇上於 宮內詣

隆裕皇太后前行禮和碩親王以下入八分公以上於慈寧門外未入八分公以下二

品大臣以上於

長信門外三品以下各官於 午門外行禮其筵宴及作樂之處應一併停止王公百官及將軍

提鎮等慶賀

隆裕皇太后表文於 午門外陳設禮成送交內閣其 內庭主位及在外公主福晉命婦應

否行禮統候

命下遵奉施行應用服色謹照上年臣部會同軍機大臣奏准請 皇上行禮時御龍袍袞服

禮畢易常服掛朝珠初六初八初九十二三三十五等日均常服掛朝珠王公百官正日咸衣蟒袍補褂初六初八

初九十二三三十五等日公所辦事及入 朝奏對咸衣常服掛朝珠為此謹 奏宣統元年十二月初十日奉

上諭已錄

### 憲政編查館奏覆核府廳州縣地方自治暨選舉各章程摺

奏為遵 旨覆核府廳州縣地方自治章程暨選舉章程分繕清單恭摺仰祈 聖鑒事宣統元年十一月

七日准軍機處抄交欽奉 諭旨民政部奏擬訂府廳州縣自治章程繕單呈覽一摺著憲政編查館覆核具奏

欽此並據民政部咨送擬訂府廳州縣地方自治章程暨選舉章程前來查原奏內稱現擬地方自治制度分爲上下兩級以城鎮鄉爲下級自治機關而以府廳州縣爲上級自治機關現在城鎮鄉地方自治章程業經 欽定頒布依限實施自應將上級自治制度及時釐定以期相輔而行上級自治區畫原奏清單僅有廳州縣而不及府

自因府有監督各廳州縣之權無直接管理地方之責惟查邊省地方及東三省新設各府往往即以知府直轄地面名雖爲府實與廳州縣無異若不分別辦理似多掛漏之虞查諮議局選舉章程第二條府之有本管地方者均作爲初選區此次擬訂上級自治章程自應仿照增入以臻完密各等語臣等竊維官治與自治同爲國家之行政機關凡國家事務之委諸官府者固悉遵國家之法律命令以行而不容有所非違其委諸自治職者亦悉遵國家之法律命令以行而不得有所侵越此自治與官治並行不悖者也此次民政部原擬章程一乘光緒三十四年十二月二十七日 諭旨惟於編制及職權等事大致比照城鎮鄉地方自治章程無甚區別考各國自治制度以

分設上下級者居多其上下級編制之法論者或謂彼此宜用同一之制度或謂上級自治之編制不能與下級自治相同其故有三蓋地方公益事務規模較大者既非下級自治之力所能舉辦且事有關係多數利害而不便於分辦者皆非由上級自治辦理不可其故一也國家委任事務往往有需費較鉅爲下級自治所不能擔負者非由上級自治任之不可其故二也下級自治事務一面當由官府監督又一面當由上級自治監督其故三也然則上級自治其地位介於官府與下級自治之間兼有官治與自治之性質故其編制必爲官治與自治合併之制度此上級自治與下級自治迥異之端也現在城鎮鄉自治章程頒行未久地方自治程度尙低倘採用兩級自治同一之制竊恐人民對於地方事務於利害切己者則互相侵攘於利害無關者則互相推諉或至地方事業發達無期仍仰賴國家一一設官爲理非磨練國民預備立憲之本意也臣等悉心體察酌加修改其要義約有數端一原章府廳州縣設董事會爲執行機關茲改稱叅事會以府廳州縣長官爲會長而爲常設之議決機關其執行機關則寄諸府廳州縣長官而不屬於叅事會一原章自治監督事宜尙未詳盡茲逐一增列凡府廳州縣長官對於議事會及叅事會之議決事件有交令覆議及撤銷之權凡監督官府對於自治豫算有減削之權對於應行核准事件除批駁外更有改正之權一原章議事會得議決自治規約茲從刪除凡規則均須經府廳州縣長官申請督撫核

准或咨民政部等衙門核准然後施行一原章屢用律例章程字樣範圍既未確定即解釋不免紛歧茲改爲法律命令於各章條文一律修正一原章議員董事各由選民互選均以二年爲任滿每年改選半數茲改爲三年任滿其參事會員卽於議員內互選此項選舉章程卽改稱府廳州縣議員選舉章程以上各事特其重大者至於章節條目隨而增刪選舉章程亦從更正不至有所牴牾計自治章程都爲八章一百零五條附府廳州縣併設自治職分股細則凡十一條選舉章程併爲一章不分節目凡四十七條謹分別繕具清單恭呈 御覽如蒙 俞允擬請 明降諭旨 欽定頒行俾昭法守至城鎮鄉地方自治章程頒布在前其條文有涉及府廳州縣地方自治章程歧異之處應請 飭下民政部另案更正奏明辦理再地方自治區劃與地方行政區劃本屬一體現在兩級自治章程俱已先後釐訂籌辦之初應先從分割區域入手查邊遠地方如貴州等省往往有府廳州縣轄境壤地插花不便民政者若非及時整理嗣後舉辦一切殊多窒碍應請 旨飭下民政部通行各省督撫將區劃不便之處酌量改正奏交該部議覆施行所有覆核府廳州縣地方自治暨選舉各章程理合繕單恭摺具陳伏乞

皇上聖鑒訓示謹 奏宣統元年十二月二十七日奉 上諭已錄 (章程另錄)

### 摺片摘要

吉撫陳昭常奏請以陶彬等升補延吉守各缺摺正月初六日奉

又奏籌設延吉府等處初級審判檢察各廳摺同日奉

又奏籌辦賓州府初級審判檢察各廳摺同日奉

又奏分定方正縣界址片同日奉

護蘇撫陸鍾琦奏留籍辦學人員主事章鈺期滿請獎摺同日奉

又奏道員黃秉湘飭回湖北原省候補片同日奉

湘撫岑春煇奏歷年整頓釐金並催提田房契稅等摺初七日奉

又奏湖南澧州等處被災請分別蠲緩摺同日奉

硃批著照所請該部知道單併發

硃批該衙門知道

硃批該衙門知道

硃批該部知道

硃批該部議奏

硃批吏部知道

硃批該部議奏

硃批另有旨

又奏請將前景德鎮同知劉鉅留籍充師範監督片同日奉  
又奏岳州府魏景熊兼護岳常澧道等片同日奉

硃批著照所請該部知道  
硃批知道了

## 公牘錄要

### 督憲陳札飭各廳州縣財政宜舉專員辦理文

爲札飭事據順直諮議局議決廳州縣設立理財所一案當經前護督部堂先行札覆在案茲經本督部堂詳加覆  
核查地方經費本應由地方團體經理現各屬地方自治尙未成立不能不暫設機關以爲統一之地故各屬屢有  
稟設公費局籌備所公議局公務局者其用意正與該局略同惟統核簡章有於事實上宜求周密於法制上宜留  
餘地者如第四條設員任職現今已經設有議董事會之地方財政自可由董事會經理無庸設立理財所其議董  
事會未經成立之地方得由自治預備會組織設立其預備會尙未成立以前卽由地方新政各機關中公推專員  
辦理惟現當經理款項之任者如警董學董監督堂長之類若被選爲理財員及董事應令其辭去本職以杜管錢  
兼用錢之弊惟原定董事係名譽職應酌改爲有薪庶較易於得人第六條用三聯單辦法甚善但存款用款均宜  
詳訂專條不宜附見於按語之中又按語內納戶自納不知指何種收款若向由地方官經收之款一旦改令自納  
不但道途遼遠有所不便恐人民程度尙未遽能如此且理財所徑向人民徵收款項困難之處尤多應再從長計  
議第七條額支活支似卽可試辦預算凡各種機關應需經費均須於先一年冬間分別擬定預算表呈由地方官  
核准後發交理財所按月支發其決算由地方官核銷後亦發交該所檢查備案至於預算之法以額支之款列入  
預算表中之經常歲出按月支領其活支之款不如每一事得設若干預備費按月另報不與額支相混其臨時支  
用應仿追加預算之意凡有特別事宜用款至若干數以上者必須經地方官核定然後理財所得以照發如此則  
經一次預算用款便有範圍於慎重地方公款之意更覺周密第九條按語是於地方自治成立之後仍經理地方  
公款恐於廳州縣自治章程抵觸今廳州縣自治章程雖未頒發然必令董事會經理地方公款則可從城鎮鄉自  
治章程類推而知之蓋經理地方公款之機關不能在自治機關之外者法理然也當此廳州縣自治章程未頒之  
際欲求改良整頓之法宜就該議案所議作爲地方自治之基礎以理財所代舉董事會收發之職凡地方公款出

納一律歸其經理俟廳州縣自治章程頒發各屬自治會成立以後其收發之職部章所頒必別有規定或由議事會公推或由董事會選任皆當遵章辦理分別移交如此則既不負該局議案之熱心而將來廳州縣自治先有此基礎及章程頒發立可遵行尤爲便利至議案所定理財所之權限責任及辦事方法均應詳細擬訂其餘各條正文亦覺簡略宜加周密方可實行除札諮議局查照并分行外合行札飭札到即便查照此札

順直諮議局呈工程建築不符請爲挽救文並批

爲呈請事竊維諮議局之建設以完全適用爲宗旨新建諮議局雖未落成而規模業已粗具察其建築內容遺漏不合之處甚多事關本局應用與其補救於事後何如陳請於事前謹卽其最大而且重要者爲我 督部堂縷陳之查諮議局開會時本設有委員會數處所需房屋自應同時并建且籌辦處詳請 前督憲分咨 館部原案卽稱仿照各國議院辦法委員會斷不可少何以該項工程并未建造而各項合同亦無一字提及此應陳請者一也又諮議局辦事處現於定章爲局最重要之部分查籌辦處詳請 督憲分咨 館部原案并所繪詳圖及第十七圖均載有辦事處甚晰卽與德國建造師錫德蘭所定合同第二款亦載有辦事處一所相與符合獨與申泰木廠所立攬單竟將辦事處一所遺卻此項房屋至今亦未建造詢之接管工程委員周令子蔭據云前情不甚洞悉竊維此項工程圖式并與錫德蘭所定合同早經分咨 館部如果中途變更亦必另訂合同取銷前案并臨時稟明 督憲何以圖式合同并未改廢亦無案據可考而與申泰木廠所立之攬單竟遺却辦事處一所非惟與分咨 館部各案不合卽與錫德蘭所定合同亦不相符且包修價值仍是原定十二萬兩之數并未省却分文卽云因事中改而此項工程究竟如何適用此外是否另有建築合同抑或別有情節此應陳請者一也諮議局工程關係重大若待工竣然後改建誠恐有誤要工所有諮議局工程建造不符并應如何挽救之處理合呈請 督部堂查核爲此備文具呈伏乞 照呈施行須至呈者

督憲陳 批據呈已悉諮議局工程一案工程司合同原有辦事處一項嗣因 度支部限定款項不得不量爲核減所以諮議局籌辦處原詳并未議及建設辦事處查詳定圖樣及包工攬單均屬相符當經據咨 館部核覆在案又查議場圖內辦公室及委員會均經預籌位置該局所呈大約係指未經估定之草圖而言茲將詳定議

場樓上下平面圖式二紙隨批發閱仰即查照閱畢仍繳此覆

高邑縣倪令鑑稟署後左右隙地新栽森林作爲鄙上公園文並批

敬稟者竊維我國向無公園之名傳言文王之囿方七十里芻蕘雉兔者皆往雖其制不詳大約與泰西公園相仿佛查泰西公園之設無非注重衛生和養意識凡草木禽獸之可以備博覽樓台亭閣之可以壯瞻觀無不燦乎隱隱各得其所遊其宇者如登春台故其國中物理學術之發達人民思想之瑰麗宏富影響所及幾有不可遏抑之勢我國近來亦略仿行然不過通商口岸冠蓋繁華之區而下邑偏隅依然長此樸陋了不識天壤間有如此許形形色色坐井觀天而曰天小豈真天小哉竊以爲今日世界日趨文明欲進文明似當新其耳目養成一種活潑意趣卑縣署後有隙地一片東西環抱足有十畝悉是坑坎碎石去冬卑職督飭苦工檢去填平掘池挖井倡栽大葉楊四十株又令在學課讀之兩子倪振媛姪孫文駿文華各栽八株并勸城內高等小學堂生每人各栽二株勸學所宋總董文華與勸學員郭輔周等并各村村正副蒙養學堂學董亦各栽四株兩株不等各用鐵牌繫以姓名垂爲紀念曾經稟明在案現計澆灌成活者共有一千二百六十一株疏條掩映略有可觀惟樹木之計在十年非培養有方難期葱鬱深恐將來各有心荃指爲茅不妨鋤以非種則今日之森森者即可變爲濯濯矣預謀保護之法商之紳董公議將此森林作爲鄙上公園歸勸學所管理官家與爲維持人人得而保衛并繕以牆垣別開門徑逐漸布置以圖進步務使生意盎然蒼龍可悅雖非有奇花異草疊閣迴廊之勝而榆柳成行桃杏參伍雜花生樹流鶯比鄰使熙熙者得以遊目騁懷藉草坐譚討論樹藝或亦開通風氣鼓吹文明之一助也所有卑縣署後左右隙地新栽森林作爲鄙上公園歸勸學所管理情形理合稟請大帥查核俯賜批示立案以垂久遠實爲公便督憲陳批據稟已悉公園足以活潑興趣既資衛生復兼博物教育中尤不可闕該令攷証中外博仿古今擬將署後隙地新栽森林作爲鄙上公園具見用意深美洵爲各屬先聲深可嘉尙應准立案仰提學司查照飭知繳天津縣議事會申南段巡警總局文

爲申請事案據劉紳孟揚到議事會投具說帖請將天津濟良所交董事會接管以資整頓案內有關於女伶小蓮芬一案據稱女伶小蓮芬久鎬所中勒價待售尤爲天理所難容亦請主持公道設法拯救孟揚對於此事有一拙

見希採納之擬請貴會公推議員二人到所向小蓮芬面詢一詢其李金究竟是否確爲已定婚之夫如伊自謂確實即由會主持移請警局爲之當堂婚配不得向李金勒索分文二詢其是否仍願唱戲爲生如伊謂自願唱戲即仍准其唱戲惟須令其盡義務幾年所得戲資除每月應准其自留若干以資夫婦度日並每月酌給其養母若干以酬其數年撫養之勞下餘均呈交某處留作公益之年限既滿乃聽其自由惟須令其寬取安保此後不得有賣姦爲娼情事以上辦法是否可行即請公同籌議施行實爲公便等情當查此案前於本年二月間接准 憲局札飭囑令核議在案嗣又奉到 憲局函送前呈 督憲公文一件仍囑公同妥議敕會遵即開議僉以縣尊詳請各節擬將劉洛即廣泰業奉 敕典准其取保開釋所有查封充公房間賞還九間以示體恤下餘十一間既經劉崑認罰詳請飭紀公估仍歸劉崑照估留買事屬可行惟小蓮芬年已及笄應知事理擬請傳訊小蓮芬取具切供如實願自配李金始交李金具領成婚以昭慎重等情業經議覆在案惟迄今將及一年未蒙見覆復經核議僉謂劉老以不應令小蓮芬唱戲之故致房產充公伊子劉洛即廣泰罰充苦工將屆二載在工病故伊孫小蓮芬弱歲被拘情亦可憫現據劉崑說帖備陳苦況自遭此案伊母年逾百齡驚嚇致死伊子劉洛苦工致斃流亡相繼家產蕩然鄉里見之罔弗酸鼻揆諸情理洵足蔽辜亦據該紳詢及此案仰賴 憲局屢念民艱毋使一人失所查劉洛業經在工病故無庸置議其充公房間除賞還九間外下餘十一間仍歸劉崑照估留買自有原斷可循惟查小蓮芬入所已久迭據劉崑聲稱李金索婚再四刻屆年關應否寬假之處仍乞逾格成全免索身價俾得泯怨曠而獲生全所有違議小蓮芬一案仍請速覆緣由理合備文申請 憲台迅覆施行實爲德便須至申者

### 文告錄要

督憲批示錄要○運司詳覆核議鉅鹿縣請款設立習藝所碍難照准由 批據詳已悉繳○又詳遵查抵補藥稅解部二文加價實因下半年領引較少故所收無多開具領引細數清單由 批據詳已悉候咨覆 度支部查照單存送再嗣後商人領引應仿照掣驗過關引鹽册按旬造報以憑查考仰即遵照此繳

學台批示○肥鄉縣文生張書麟等稟稱導不力蒙學漫散懇請更換張問明等稟敗壞學界把持戳記請派委詳查以整學界一案 批所稟是否屬實仰候查察辦理此批○鹽山縣初小教員馬名駿等稟學款無著勢難再

支不得不一體告退一案 批該縣學款疲竭已札縣竭力整頓仰該生等自行赴縣陳訴可也此批

臬台批示○東光縣民人孫立和來司呈控一案 批查此案前經吳橋縣龔令過境驗明王禿係被譚啞叭用二齒撓毆傷身死移屍爾家地內供證確鑿不難研審定案候嚴札現任縣嚴令作速提集犯證研審確情填格錄供通報並將屍棺飭屬領埋爾即回籍安度可也○東光縣民人馬龍圖來司呈控一案 批案經前司飭縣集訊究竟案情如何候飭縣先行錄案詳奪一面傳集人證研審致死確情填格錄供通報爾即回縣投審毋庸砌瀆粘單附

直隸禁煙總局批示○祁州申解秋季牌照捐由 批據申解本年秋季牌照捐九成制錢十三千八百九十文合洋十三元四角二分並清册解批均收訖查該州煙店所售數目與吸戶所需數目不爽毫釐如果屬實該州辦理認真稽查嚴密絕無私吸私售情事殊為難得但煙店吸戶弊偽叢生數目斷難如此吻合如來贖所報恐不免有造作情形查牌照加捐部意原藉得土膏售銷實數以為辦理遞減張本倫不求實際則部意全違禁煙亦難有把握該州稽征此項捐款務須將煙店流水帳簿隨時抽查冀得真實數目切勿一意彌縫專求文字之無隙漏也切切批回抄由併發

### 畿輔近事

奏覆慎選行政司法官吏○憲政編查館遵

旨核議翰林院侍讀吳士鑑奏各省行政司法官吏宜慎擇其人

由憲政編查館覆奏派一摺當經附片奏覆大旨謂臣館前奏各省調查局章程總辦由本省督撫選派出具切實考語咨送臣館得加札派充諮議員歷經遵辦在案誠以調查本省一切民情風俗行政規章及沿習利弊無論官紳自須久在該省之員乃能諳習尤必待督撫遴選方收指臂之效若必專用京員誠恐於該省調查各事多有隔膜原奏所請專用京員之處應毋庸議至法政學堂監督一差事隸學部擬請 飭下學部體察情形酌核辦理云云已於上年十二月二十四日奉 旨依議矣

選送京師法政學堂補習科簡章○京師法政學堂原定章程先設預科每年添班一次嗣准部章各高等學堂不得再設預科名目復經咨准改設補習科招生程度專以中學畢業為限入堂後補習東文語一年或二年再酌

量升入正科曾於上年正月咨請學部由京師督學局及各省提學使遵章考選送堂肄業在案而該學堂於光緒三十四年二月所收二級預科二月即將畢業照章添補習科一班以備遞入正科之選刻已擬具簡章九條呈請學部核定咨行督學局並札行各省提學使遵章考選中學畢業各生如願預考應於宣統二年正月內到司報名聽候示期考送云云計開選送京師法政學堂補習科學生簡章九條如下 一此項補習科專挑選各中學堂畢業生仍以品行端正中學明通爲主否則不必遷就 一選送此項學生如先習過東文東語已能直接日本教員聽講者即可直入正科如程度不足與先未習東文東語者入堂補習一年或二年不等總以能直接聽講爲限 一學生年歲以二十以上至三十以下者 一選送人數京城八旗順天五城及各省旅京中學堂由督學局彙送共二十四名以外大省十二名中省十名小省八名或六名如有實能直接聽講多送數名亦可 一選定學生各量程途遠近限令宣統二年二月二十日以前一律到京聽候覆試取入不得遲延逾期免致插補爲難 一選定學生計若干名外省先時電覆如無畢業合格之生亦應先時申覆 一選定學生須將各生四寸像片先時彙送其畢業文憑飭令各生自帶呈驗 一覆試取入後照章每名繳入學費二元祇繳一次其每月學費補習科二元入正科三元在堂內用午膳一次者每月二元五角能駐寄宿館內者每月房膳費七元現已住滿俟後補入其餘操衣書籍等費均由自備 一本學堂各種章程學生應一律遵守

直隸法律學堂改訂章程○督憲據直隸法律學堂總理詳稱竊查本堂章程光緒三十一年開辦之初經陳前署司擬訂暫行章程呈蒙 前督院袁批准在案後因更名直隸法律學堂並添招丙班官費自費各生一切均遵部章辦理情形不同課程亦有增減當經續訂簡章數則詳蒙 前督院楊咨部備案查光緒三十四年續訂簡章僅具宗旨課程獎勵等事件餘均參照陳前署司所訂暫行章程辦理因思舊章既多不合而新章又屬太簡現在又於官費自費各生之外添招校外生發行校外生講義以期人人均有法律智識爲目今辦理自治籌備憲政之進行方法謹將先後訂定各章程斟酌損益分別修併擬定法律學堂章程一本名曰官立直隸法律學堂章程冠以奏詳繼以規則都十一章凡七十六條雖不敢謂完密無間然就現在之情形論之有此數則庶幾若網在綱遵循有自所有本堂擬訂章程是否有當理合繕呈核定示遵如蒙俯准並懇分咨 吏學兩部備案

實爲公便云云已奉批示照辦矣

官場紀要○本日恭逢

皇太后萬壽聖節

督憲定於黎明率同文武各官齊集

龍亭行禮○通永道林

觀察志道由任來津前日赴院稟見○候補道劉觀察煖稟知到差

開平礦局購運炸藥○督憲據津海關道詳開平礦局購運炸藥等項請給照轉運一案當經批示云據詳開平礦局現擬購運西一千九百十一年半年炸藥二百箱每箱五十磅信帽五萬個電信帽一萬五千個引綫十五萬尺請給護照以便轉運仰候咨請 稅務處查照核覆飭遵

保定府中學堂招生○保定府官立中學堂招生廣告如下 一學額 六十名 一學科 遵照部定實科科目

一年齡 十五歲以上二十歲以下 一資格 本府各高等小學畢業生及有高等小學畢業之程度者

一報名 自宣統元年十二月二十五日起至宣統二年正月十六日止各具四寸像片一張親赴本堂報名

一考期 宣統二年正月十七日考試國文十八日考試科學 一學膳費 每月五元考取後先交一學期學

膳費始准入堂不住堂者免交膳費 一操衣書籍 本籍生由本堂備給外籍生自備 一地址 保定府城

內城隍廟西首

## 各省近事

學務

壽州音樂講習會卒業○安徽壽州各校自添設音樂一科生徒成績頗有可觀今春各校員又組織一會擇士紳

之嫻於古樂者合之各校素習之功課招集會友三十餘人今樂古樂聯合講習去年冬月二十一日卒業在蒙

養學堂開會笙琴簫笛軍樂唱歌按次迭奏來賓多至五六百人頗極一時之盛云

法政學堂監督易員○湖北法政學堂監督邵伯泉太史辭差後官界初擬延開缺鄂臬梁節菴廉訪繼任紳界則

主延張紳仲忻現張紳因在蘇有差不願來就梁廉訪亦不願爲楊護院現已札委前施鶴道施觀察紀雲承充

以便邵監督早日交替

軍政

浙撫傳考新軍官長○浙撫增中丞日前札飭各新軍云現屆年終軍隊官長例當大考甄別一次本部院現定於

本月二十二日考試隊官以上統帶以下給級官長在本署考試其排長以下均於二十三日赴督練公所考試屆期一體遵照楊樹丞統領奉檄後業已分別傳知各標營矣

試驗砲兵訓練成績○湘省岳州府長江中營趙游擊前奉本營營鎮台飭聘砲兵教習一員到營自上年十月起每日由教員督率砲目及各砲兵在提署演武廳認真訓練現據該教員聲稱各砲兵均屬可造甫及一月便有成績可觀爰特商請趙游戎札飭各哨弁將快砲舢板照春操準備嚴肅以俟試驗茲悉已於去臘初三日由趙游戎偕同教員各弁在扁山河下校閱兩小時運用果爲靈捷深堪嘉許當即獎勵各砲兵以期再有進步

稟陳籌辦水陸防務○粵東前山廳以前山附近所屬地方左至吉大右接公坦西南則爲灣仔馬驢州各島東南一帶陸路則由拉搭望厦以至澳門水路則經青州以至澳門一水相通其餘馬驢州外各島嶼尙多皆接近於前山各處屬地既已遼闊巡緝尤萬不能疏惟有將所屬各地分別形勢將地方巡警與水陸各營一律分訂巡緝聯絡章程以資得力而重地方等情日前特將籌辦情形詳陳大吏察核

### 各國新聞

法國水患未止○路透電云法京現在仍有數處被水淹沒巴黎城外水亦未退現在塞因與馬蘭兩河之水日見發漲

英國稅款之報告○路透電云英國財政部現在宣布財政數目其進款稅共一千二百萬鎊

英勳爵注意關稅改良○路透電云英國魯司伯理伯爵日昨設筵款待克斯氏并極力提倡改良關稅問題

坎拿大維持德坎商艱○柏林電云坎拿大財政大臣提議俟德坎商約簽字後即設法維持德坎商艱以便使兩

#### 國商務發達

盧氏有再爲總統之說○柏林電云美國人民提倡再舉盧斯福氏爲總統之說日見其多

布王定期赴俄○柏林電云布加利亞國定於西二月二十三號赴俄京一遊

希臘海軍反對陸軍協會○柏林電云希臘海軍現在宣布反對陸軍協會陸軍聞此消息甚爲驚訝現在兵艦均

#### 開行以便運動實行反對辦法

阿弗罕整頓軍政○倫敦電云阿弗罕王現在召集各大臣會議平靖亂事并防護各處之辦法智拉巴德地方已安設德律風以便傳遞消息該王之弟納魯拉氏并陸軍統帥諭令軍隊仿照土耳其軍隊操法訓練

四連任至三次以上者

五其他事由特經議事會允准者

第十九條 無前條所列事由之一而謝絕或告退者得以議事會之議決於一年以上五年以下停止其選民權

第二章 區議事會及區董事會

第一節 區議事會

一員額及任期

第二十條 區議事會議員以十五名爲定額各區人口有滿五萬五千者得於前項定額外增設議員一名自此

以上每加人口五千得增設議員一名至多以三十名爲限

第二十一條 區議事會議員由選民互選任之 區議事會議員選舉事宜照另定選舉章程辦理 父子兄弟

不得同時任爲本區議事會議員若同時當選者以子避父以弟避兄 若有父子兄弟現爲總議事會議員或

總董事會總董董事及本區董事會總董董事者不得爲區議事會議員但名譽董事不在此限

第二十二條 區議事會設議長一名副議長一名均由議員用無名單記法互選其細則以規約定之

第二十三條 議員以二年爲任期每年改選半數若議員全數同時選任者其半數即以一年爲任滿 前項一

年任滿之半數以抽簽定之若全數不能平分者以多數爲半數

第二十四條 議長副議長以二年爲任期任滿改選

第二十五條 議員及議長副議長任滿再被選者均得連任

第二十六條 議員因事出缺至逾定額三分之一者應即補選

第二十七條 議長因事出缺以副議長補之副議長因事出缺應即補選

第二十八條 補缺各員之任期以補足前任未滿之期爲限

第二十九條 議員及議長副議長均爲名譽職不支薪水 議長副議長有辦公必需之費用得給相當之公費 其數目由區董事會定之

第三十條 區議事會得設文牘庶務等員其員額薪水以規約定之 文牘庶務員不限以選民由議長副議長  
選派派充

二職任權限

第三十一條 區議事會應行議決事件如左

一本區自治範圍內應行興革整理事宜

二本區自治規約但事關全體通行者不在此限

三本區自治經費歲出入預算及預算正額外預備費之支出

四本區自治經費歲出入決算報告

五本區自治經費籌集方法但公益捐之性質應由京師地方全體擔任者不在此限

六本區自治經費處理方法

七本區選舉上之爭議

八本區自治職員辦理過失之懲戒

九關涉本區全體赴官訴訟及其和解之事

第三十二條 區議事會議決事件由議長副議長呈報自治監督查核後移交區董事會按章執行

第三十三條 區議事會有監察區董事會執行事務之權並得檢閱其各項文牘及收支賬目

第三十四條 區議事會遇自治監督有諮詢事件應臚陳所見隨時呈覆

第三十五條 區議事會於地方行政自治事宜有關係各件得條陳所見呈候自治監督核辦

第三十六條 區議事會於區董事會所定執行方法視為踰越權限或違背律例章程或妨礙公益者得聲明緣

由止其執行若區董事會堅持不改得移交總議事會公斷 若於總議事會之公斷有不服時得呈由自治總

監督核斷但京營各區有前項情事時逕呈自治監督辦理

監督核斷但京營各區有前項情事時逕呈自治監督辦理

直督楊奏彙報蘆屬竈地災歎蠲緩銀數摺

鄂督陳奏查明兩淮運司叅款摺

二十三日

直督楊奏籌辦法律學堂情形摺

鄂督陳奏簽註刑律草案摺

二十四日

熱河都統廷奏審斷蒙旗爭界及喇嘛墾務積訟辦法摺

摺

二十五日

禮部會奏 德宗景皇帝梓宮奉移 山陵暫安

事宜摺

東督徐奏辦理貧民習藝所情形暨籌撥經費摺

二十六日

憲政編查館奏擬定民政財政統計表式酌舉例要摺

理藩部奏議東督奏籌設洮南驛站請開闢達爾汗旗

道路摺

東督徐奏推廣文報事宜摺

豫撫吳奏擬改縣名摺

二十七日

法部奏律學館第一次畢業考試學員開單呈

摺

覽

魯撫袁奏籌辦地方自治設立研究所情形摺

又奏籌辦各州縣巡警豫備情形片

又奏籌辦各級審判廳豫備情形片

二十八日

郵傳部奏核銷購電收支用款摺

度支部奏籌撥本年匯豐本銀片

晉撫寶奏籌備同蒲鐵路保息摺

江督端奏請開復已故撫臣摺

二十九日

法部會奏議覆東督奏吉省擬設檢驗學習所改件作

爲檢驗吏給予出身摺

民政部奏官醫院冬季診治人數摺

魯撫袁奏叅劾戒煙不力人員請於戒斷一年後量予

開復片

三十日

學部奏酌擬出洋學習完全師範畢業獎勵摺

度支部會奏設立財政學堂酌擬章程摺

考察憲政大臣于式枚奏譯註普魯士憲法全文摺

甘督升等奏青海試墾先在西甯辦理摺

閏二月初一日

度支部奏議覆浙撫奏上海公學京師女學各費擬由

地丁等款動撥分別准駁摺

西陵守護大臣奎瑛等奏恭備要差請撥銀兩摺

學部奏議覆御史奏順天府尹破壞學務淆亂定章摺

又奏核議奉省法政學堂畢業獎勵摺

初二日

民政部奏陳明核實整頓廳區辦法摺

度支部奏議覆閩督奏閩關稅收支絀應協甘餉請予

緩解摺

又奏議覆浙撫奏浙省認墊蘇杭甬路借款請由鹽飭

款內提撥片

東督徐等奏吉林庶政需材請留投効各員摺

初三日

民政部奏酌擬司員補缺輪次章程摺

東督徐等奏設立禁煙公所實行禁種禁吸情形摺

初四日

度支部奏酌擬清理財政處各項章程摺

初五日

東督徐署吉撫陳署江撫周奏籌設東三省陸地測量

總同摺

又奏開辦陸軍圖書館片

東督徐等奏墾荒設治需款請動用荒價作正開銷摺

又奏裁撤吉省驛站監督改設文報局辦理片

熱河都統廷奏擬留丁憂各員勦理要政摺

初六日

軍機處奏章京保送京察請准照額計算等片

東督徐奏查覆協統被參各款並就原案審擬情形摺

初七日

會議政務處奏議覆度支部奏幣制重要宜策萬全摺

禮部奏違議滿漢服制摺

又奏丁憂漢員在外投効滿員在部當差請飭部詳

議定章片

東督徐奏酌核奉天官制詳陳辦理情形摺

初八日

直督楊奏改設巡警學堂暨各屬巡警教練所摺

禮部奏王公百官班見監國攝政王禮節摺

禮部奏禮學開館酌擬凡例進呈摺

郵傳部奏彙陳鐵路收撥借用各款大畧情形摺

郵傳部奏進呈各路財政盈虧表片

初九日

直督楊奏紳民報捐學費彙案請獎摺

又奏紳民捐助學費請准建坊片

郵傳部奏新易鐵路改歸京漢鐵路管轄片

# 恩同再造

廣東香山有患頭痛甚劇腦筋衰弱者為韋廉士大醫生紅色補丸所治愈  
 楊君月樵為毗連澳門之香山海防公司總辦專抽海防捐事者也嘗自述其患病獲愈之情形如左云○數年前  
 余曾患頭痛勢甚劇烈日輕夜重左穴更甚常使終夜不得合眼受此慘苦足有兩年以致胃口失調身軀瘦弱漸  
 致胃痛背痛接踵而起甚至全身骨節無不皆痛纏綿兩載憔悴不堪自鏡面容全失康健之形雖嘗延醫中外服  
 藥多方而竟毫無影響後聞韋廉士大醫生紅色補丸有愈疾之奇功因決意一試之然自念病根之重且久恐非  
 是丸所能速療詎意服未幾時漸見功效連服多日殊覺爽適異常頭與全體四支痛皆全消居然復為康健之人



香山楊君月樵患頭痛腦筋衰弱者為韋廉士大醫生紅色補丸所治愈  
 矣當未服韋廉士大醫生紅色補丸之前若多作書便覺頭暈不辦  
 月樵患頭痛腦筋衰弱者為韋廉士大醫生紅色補丸所治愈  
 字跡今則無論握管終日毫無頭暈之患自覺宛如重生新人痛楚  
 若失胃口極佳日能從公夜能酣睡此境此樂誠為韋廉士大醫生  
 紅色補丸之所賜也回憶醫士之言曰此種頭痛若不治愈恐將由  
 此而喪生由是而知生我者豈非韋廉士大醫生紅色補丸乎能不  
 永感深恩沒齒不忘哉 楊君月樵所患者即筋系疼痛腦筋衰弱  
 之症也韋廉士大醫生紅色補丸為天下著名補血補腦之聖藥所  
 以能治其疾之原由自可曉然易明矣蓋是丸有清血之功且能使  
 血有力而長新血其所生稠紅之新血能驅除身體中一切諸疾使

患病衰弱之體而得復原康健焉是丸嘗治愈 血薄氣衰 諸虛百損 少年虧喪 陽萎不舉 風溼骨痛  
 腰背疼痛 左癱右瘓 跳舞瘋病 腳氣衝心 胃不消化 肝經各病 瘡疥疔疹 乾溼癬癩 皮膚諸症  
 又為天下馳名醫治婦科聖藥即如月信不調經來腹痛舉凡少女壯婦一切諸症服之無不立奏奇功固非市  
 上所稱紅衣紅血等丸所可比擬也 韋廉士大醫生紅色補丸中國各處商店藥局凡經售西藥之處均有出售  
 或直向上海四川路八十四號韋廉士大醫生藥局中國總發行處購買或向四川重慶白象街分局購買亦可 價  
 銀每六瓶大洋八元每一瓶大洋一元五角 遠近郵費一律不取

上海四川路八十四號韋廉士大醫生藥局啟

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窖等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啟

本行開設天津上海香港志呢華海參歲等處均設立有年諸班貨物由外洋本機器廠自造鐵蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

## 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 藏銅料器瑤藍 奇巧美術玩器 學界文房用品 旋行攜帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨

督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏

人茲特查照舊章每科招攷自費生十名如有志入學者應即遵照後開條例來堂報名聽候定期考試勿誤爲要

**一分科** (甲)優級完全科 (乙)初級師範補習科 **一資格** 不拘籍貫 (甲)科中學堂及初級

師範完全科畢業者 (乙)科初級簡易二年以上畢業報司有案者 **一獎勵** 與官費生一律無異 **一報名**

自宣統元年十二月二十日起至宣統二年正月二十日止親到本堂呈驗文憑備具像片填寫履歷 **一考試**

(甲)科按照中學堂及初級師範課程考試 (乙)科按照初級師範簡易科二年課程考試錄取後應即取具妥

實保人保證書備案 **一學膳費** 全年九十六元每年分正月七月兩次繳納書籍操衣均自備 **一地址**

天津河北新開河

## 北洋師範學堂添設優級完全科廣告

本學堂添招優級完全科學生當經咨請 提學司通飭各屬文送在案諸生如有志入學者務即於定期以內呈

請各該地方官備文申送幸勿自誤茲擬定條例如左

**一學額** 百二十名 **一學科** 按照部章辦理 **一資格** 曾在中學堂及初級師範完全科畢業

**一獎勵** 俟畢業後查照定章請獎 **一報名** 自宣統元年十二月二十日起至宣統二年正月二十日止

親到本堂投文呈驗憑照并各具像片一張填寫履歷聽候定期考試 **一考試** 按照初級完全科及中學堂

各科功課程度分科考驗錄取後應繳呈保證全十元俟畢業後發還 **一學膳費** 官費 **一書籍** 摻

衣自備 **一地址** 天津河北新開河

# 天津商務印書館廣告

謹贈五月份牌

歲逢庚戌萬象更新本館特製月份牌一種文雅富麗兼擅其勝專備諸君贈品以助雅興凡購本館書籍圖畫

滿現洋二元者謹贈月

牌一張滿四元者二張餘可類推不滿二元者不贈訂定正月初十日贈起

至二月初十日止 如期內業已送完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附郵票購書章程凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

# 北洋股票交通有限公司遷移廣告

逕啟者敝公司於光緒三十四年十一月間詳蒙

北洋大臣批准設立其宗旨在於流通股票行用利便期人人勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請 光顧諸君移玉是幸

北洋股票交通有限公司謹白

## 北洋師範學堂招考初級師範補習班廣告

一學額 百二十名 二學科 修身教育國文經學歷史地理算學理化博物日語英語圖畫體操 三年齡  
二十歲以上二十七歲以下 四資格 曾在初級師範簡易科二年以上畢業領有文憑者 五期限 三年期  
滿升入本堂優級師範科 六獎勵 俟優級師範科畢業後查照定章請獎 七報名 自宣統元年十二月初一日起至宣統二年正月二十日止各具照像片一張親赴本堂報名處填寫履歷呈驗文憑聽候定期考試 八  
考試 按照初級師範學堂第二年各科功課程度分科考驗錄取後應繳呈保證金十元俟畢業後發并還取具  
妥實保人保證書備案 九學膳費 官費 十書籍 操衣自備 十一地址 天津河北新開河

## 北洋師範學堂招考音樂體操講習班廣告

一學額 六十名 二學科 修身教育國文歷史地理英文算學圖畫手工格致唱歌樂器樂典音譜體操遊戲  
兵學生理 三資格 漢文通順體格健全向無疾病嗜好者 四年齡 十八歲以上二十五歲以下 五期限  
三年畢業 咨請提學司派充各屬教員 六報名 自宣統元年十二月初一日起至宣統二年正月二十日  
止各具像片親赴本堂報名處填寫履歷書聽候定期考試 七考試 檢查身體試驗國文論說一篇錄取後應  
繳呈保證金十元俟畢業後發還并取具妥實保人保證書備案 八書籍 操衣自備 九地址 河北新開河

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

北洋拱衛畿疆冠蓋相望一方共事誼屬同僚而籍貫家世與年歲氏號彼此各不相知曷足以資聯屬是以敝局於甲辰之冬曾奉院飭刊同官之錄雖非詳備頗見通行惟時易歲移大半升遷轉調亟應增補刪脩方臻完善茲擬仍沿前例重行改刊所有直順熱各屬現任候補以及分發別省候選丁憂凡有差委均當詳錄相應奉達希將台銜三代履歷行號出身日內詳細開送至局以便彙齊付梓是為至盼

本局謹啟

京奉鐵路緊要廣告

本局現定得宣統二年正月初六日即西歷一千九百十年二月十五號起所有短期免票一律改換顏色其從前所發之短期免票無論逾期與否一概作廢特此廣告